

佛說仁王護國般若波羅蜜經卷上

姚秦三藏鳩摩羅什譯

翔

序品第一

李善刊

如是我聞一時佛住王舍城耆闍崛山中與大比丘衆八百萬億學無學皆阿羅漢有爲功德無爲功德無學十智有學八智有學六智三根十六心行法假虛實觀受假虛實觀名假虛實觀三空觀門四諦十二緣無量功德皆成就復有八百萬億大仙緣覺非斷非常四諦十二緣皆成就復有九百萬億菩薩摩訶薩皆阿羅漢實智功德方便智功德行獨大乘四眼五通三達十力四無量心四辯四攝金剛滅定一切功德皆成就復有千萬億五戒賢者皆行阿羅漢十地迴向五分法身具足無量功德皆成就復有十千五戒清信女皆行阿羅漢十地皆成就始生功德住生功德終生功德三十生功德皆成就復有十億七賢居士德行具足二十二品十一切

入八除入八解脫三慧十六諦四諦四三二一品觀得九十忍一切功德皆成就復有萬萬億九梵三淨三光三梵五喜樂天天定功德定味常樂神通十八生處功德皆成就復有億億六欲諸大天十善果報神通功德皆成就復有十六大國王各各有一萬二萬乃至十萬眷屬五戒十善三歸功德清信行具足復有五道一切衆生復有他方不可量衆復有變十方淨土現百億高座化百億須彌寶華各各座前華上復有無量化佛無量菩薩比丘八部大衆各各坐寶蓮華華上皆有無量國土一一國土佛及大衆如今無異一一國土中一一佛及大衆各各說般若波羅蜜他方大衆及化衆此三界中衆十二大衆皆來集會坐九級蓮華座其會方廣九百五十里大衆僉然而坐爾時十號三明大滅諦金剛智釋迦牟尼佛初年月八日方坐十地入大寂室三昧思緣放大光明照三界中復

於頂上出千寶蓮華上至非想非非想天光  
亦復爾乃至他方恒河沙諸佛國土時無色  
界兩無量變大香華香如車輪華如須彌山  
王如雲而下十八梵天王兩百變異色華六  
欲諸天兩無量色華其佛座前自然生九百  
萬億級華上至非想非非想天是時世界其

期

仁王護國

二

十

地六種震動爾時諸大眾俱共僉然生疑各  
相謂言四無所畏十八不共法五眼法身大  
覺世尊前已為我等大眾二十九年說摩訶  
般若波羅蜜金剛般若波羅蜜天王問般若  
波羅蜜光讚般若波羅蜜今日如來放大光  
明斯作何事時十六大國王中舍衛國主波

斯匿王名曰月光德行十地六度三十七品  
四不壞淨行摩訶衍化次第問居士寶蓋法  
淨名等八百人復問須菩提舍利弗等五千  
人復問彌勒師子吼等十千人無能答者時  
波斯匿王即以神力作八萬種音樂十八梵  
天六欲諸天亦作八萬種音樂聲動三千乃

至十方恒河沙佛土有緣斯現彼他方佛國  
中南方法才菩薩共五百萬億大眾俱來入  
此大會東方寶柱菩薩共九百萬億大眾俱  
來入此大會北方虛空性菩薩共百千萬億  
大眾俱來入此大會西方善住菩薩共十恒  
河沙大眾俱來入此大會六方亦復如是作

樂亦然亦復共作無量音樂覺寤如來佛即  
知時得衆生根即從定起方坐蓮華師子座  
上如金剛山王大眾歡喜各各現無量神通  
地及虛空大眾而住

仁王般若波羅蜜經觀空品第二

爾時佛告大眾知十六大國王意欲問護國

期

仁王護國

三

十

土因緣吾今先為諸菩薩說護佛果因緣護  
十地行因緣諦聽諦聽善思念之如法修行  
時波斯匿王言善大事因緣故即散百億種  
色華變成百億寶帳蓋諸大眾爾時大王復  
起作禮白佛言世尊一切菩薩云何護佛果  
云何護十地行因緣佛言菩薩化四生不觀

色如受想行識如衆生我人常樂我淨如知見壽者如菩薩如六度四攝一切行如二諦如是故一切法性真實空不來不去無生無滅同真際等法性無二無別如虛空是故陰入界無我無所有相是爲菩薩行化十地般若波羅蜜白佛言若諸法爾者菩薩護化衆

生爲化衆生耶大王法性色受想行識常樂我淨不住色不住非色不住非非色乃至受想行識亦不住非非住何以故非色如非非色如世諦故三假故名見衆生一切法性實故乃至諸佛三乘七賢八聖亦名見六十二見亦名見大王若以名名見一切法乃至諸

佛三乘四生者非非見一切法也白佛言般若波羅蜜有法非非法摩訶衍云何照大王摩訶衍見非非法法若非非法是名非非法空法性空色受想行識空十二入十八界空六大法空四諦十二緣空是法即生即住即滅即有即空刹那刹那亦如是法生法住法

滅何以故九十刹那爲一念一念中一刹那經九百生滅乃至色一切法亦如是以般若波羅蜜空故不見緣不見諦乃至一切法空內空外空內外空有爲空無爲空無始空性空第一義空般若波羅蜜空因空佛果空空空故空但法集故有受集故有名集故有因

集故有果集故有十行故有佛果故有乃至六道一切有善男子若菩薩見法衆生我人知見者斯人行世間不異於世間於諸法而不動不到不滅無相無無相一切法亦如也諸佛法僧亦如也是即初地一念心具足八萬四千般若波羅蜜即載名摩訶衍即滅爲

金剛亦名定亦名一切行如光讚般若波羅蜜中說大王是經名味句百佛千佛百千萬佛說名味句於恒河沙三千大千國土中成無量七寶施三千大千國土中衆生皆得七賢四果不如於此經中起一念信何況解一句者句非句非非句故般若非句句非般若

般若亦非菩薩何以故十地三十生空故始  
 生住生終生不可得地地中三生空故亦非  
 薩婆若非摩訶衍空故大王若菩薩見境見  
 智見說見受者非聖見也倒想見法凡夫人  
 也見三界者衆生果報之名也六識起無量  
 欲無窮名為欲界藏空或色所起業果名為

色界藏空或心所起業果名無色界藏空三  
 界空三界根本無明藏亦空三地九生滅前  
 三界中餘無明習果報空金剛菩薩藏得理  
 盡三昧故或果生滅空有果空因空故空薩  
 婆若亦空滅果空或前已空故佛得三無為  
 果智緣滅非智緣滅虛空薩婆若果空也

善男子若有修習聽說無聽無說如虛空法  
 同法性聽同說同一切法皆如也大王菩薩  
 修護佛果為若此護般若波羅蜜者為護薩  
 婆若十力十八不共法五眼五分法身四無  
 量心一切功德果為若此佛說法時無量人  
 衆皆得法眼淨性地信地有百千人皆得大

翔

仁王般若

卷

十

空菩薩大行

仁王般若波羅蜜經菩薩教化品第三

白佛言世尊護十地行菩薩云何行可行云  
 何行化衆生以何相衆生可化佛言大王五  
 忍是菩薩法伏忍上中下信忍上中下順忍  
 上中下無生忍上中下寂滅忍上中下名為

諸佛菩薩修般若波羅蜜善男子初發相信  
 恒河沙衆生修行伏忍於三寶中生習種性  
 十心信心精進心念心慧心定心施心戒心  
 護心願心迴向心是為菩薩能少分化衆生  
 已超過二乘一切善地一切諸佛菩薩長養  
 十心為聖胎也次第起乾慧性種性有十心  
 所謂四意止身受心法不淨苦無常無我也  
 三意上三善根慈施慧也三意止所謂三世  
 過去因忍現在因果忍未來果忍也是菩薩  
 亦能化一切衆生已能過我人知見衆生等  
 想及外道倒想所不能壞復有十道種性地  
 所謂觀色識想受行得戒忍知見忍定忍慧

忍解脫忍觀三界因果空忍無願忍無相忍  
觀二諦虛實一切法無常名無常忍一切法  
空得無生忍是菩薩十堅心作轉輪王亦能  
化四天下生一切眾生善根又信忍菩薩所  
謂善達明中行者斷三界色煩惱縛能化百  
佛千佛萬佛國中現百身千身萬身神通無

量功德常以十五心為首四攝法四無量心  
四弘願三解脫門是菩薩從善地至於薩婆  
若以此十五心為一切行根本種子又順忍  
菩薩所謂見勝現法能斷三界心等煩惱縛  
故現一身於十方佛國中無量不可說神通  
化眾生又無生忍菩薩所謂遠不動觀慧亦

斷三界心色等習煩惱故現不可說不可說  
功德神通復次寂滅忍佛與菩薩同用此忍  
入金剛三昧下忍中行名為菩薩上忍中行  
名為薩婆若共觀第一義諦斷三界心習無  
明盡相為金剛盡相無相為薩婆若超度世  
諦第一義諦之外為第十一地薩云若覺非  
用  
仁王般若  
六  
力

有非無湛然清淨常住不變同真際等法性  
無緣大悲教化一切眾生乘薩婆若乘來化  
三界善男子一切眾生煩惱不出三界藏一  
切眾生果報二十二根不出三界諸佛應化  
法身亦不出三界三界外無眾生佛何所化  
是故我言三界外別有一眾生界藏者外道

大有經中說非七佛之所說大王我常說一  
切眾生斷三界煩惱果報盡者名為佛自性  
清淨名覺薩云若性眾生本業是諸佛菩薩  
本所修行五忍中十四忍具足白佛言云何  
菩薩本業清淨化眾生佛言從一地乃至後  
一地自所行處及佛行處一切知見故本業

者若菩薩住百佛國中作閻浮四天王修百  
法門二諦平等心化一切眾生地初若菩薩住  
千佛國中作忉利天王修千法門十善道化  
一切眾生地二若菩薩住十萬佛國中作焰天  
王修十萬法門四禪定化一切眾生地三若菩  
薩住百億佛國中作兜率天王修百億法門

行道品化一切衆生<sup>地四</sup>若菩薩住千億佛國中作化樂天王修千億法門二諦四諦八諦化一切衆生<sup>地五</sup>若菩薩住十萬億佛國中作他化天王修十萬億法門十二因緣智化一切衆生<sup>地六</sup>若菩薩住百萬億佛國中作初禪王修百萬億法門方便智願智化一切衆生<sup>地七</sup>若菩薩住百萬微塵數佛國中作二禪梵王修百萬微塵數法門變照方便神通智化一切衆生<sup>地八</sup>若菩薩住百萬億阿僧祇微塵數佛國中作三禪大梵王修百萬億阿僧祇微塵數法門四無礙智化一切衆生<sup>地九</sup>若菩薩住不可說不可說佛國中作第四禪大靜天王三界主修不可說不可說法門得理盡三昧同佛行處盡三界原教化一切衆生如佛境界是故一切菩薩本業化行淨<sup>地十</sup>若十方諸如來亦修是業登薩婆若果作三界王化一切無量衆生<sup>地佛</sup>爾時百萬億恒河沙大衆各從座起散無量不可思議華燒無量不

可思議香供養釋迦牟尼佛及無量大菩薩合掌聽波斯匿王說般若波羅蜜今於佛前以偈歎曰  
 卅尊導師金剛體  
 八辯洪音爲衆說  
 時六天人出家道  
 五忍功德妙法門  
 三賢十聖忍中行  
 佛衆法海三寶藏  
 十善菩薩發大心  
 中下品善粟散王  
 習種銅輪二天下  
 道種堅德轉輪王  
 伏忍聖胎三十人  
 三卅諸佛於中行  
 一切菩薩行本源  
 若得信心必不退  
 教化衆生覺中行  
 心行寂滅轉法輪  
 時衆得道百萬億  
 成比丘衆菩薩行  
 十四正士能諦了  
 惟佛一人能盡源  
 無量功德攝在中  
 長別三界苦輪海  
 上品十善鐵輪王  
 銀輪三天性種性  
 七寶金光四天下  
 十信十止十堅心  
 無不由此伏忍生  
 是故發心信心難  
 進入無生初地道  
 是名菩薩初發心

善覺菩薩四天王  
 權化衆生遊百國  
 入理般若名爲住  
 初住一心足德行  
 離達開士初利王  
 無緣無相第三諦  
 明慧空照焰天王  
 忍心無二三諦中  
 善覺離明三道人  
 還觀三界身口色  
 焰慧妙光大精進  
 實智緣寂方便道  
 勝慧三諦自達明  
 空空諦觀無二相  
 法現開士化樂王  
 三諦現前大智光  
 焰勝法現無相定  
 空慧寂然無緣觀

期  
仁王般若

雙照二諦平等道  
 始登一乘無相道  
 住生德行名爲地  
 於第一義而不動  
 現形六道千國土  
 無無無生無二照  
 應形萬國導群生  
 出有入無變化生  
 能滅三界色煩惱  
 法性第一無遺照  
 兜率天王遊億國  
 達無生照空有了  
 自在天王百億國  
 變化六道入無間  
 無二無照達理空  
 照千億土教一切  
 能洒三界迷心惑  
 還觀心空無量報

八  
九

遠達無生初禪王  
 未度報身一生在  
 始入無緣金剛忍  
 觀第三義無二照  
 三界愛習順道定  
 等觀菩薩二禪土  
 入百恒土化一切  
 反照樂虛無盡源  
 慧光開士三禪王  
 當在無爲空寂行  
 灌頂菩薩四禪王  
 始入金剛一切了  
 寂滅忍中下忍觀  
 等慧灌頂三品士  
 無明習相故煩惱  
 圓智無相三界王  
 大寂無爲金剛藏  
 第一義諦常安隱

期  
仁王般若

常萬億土教衆生  
 進入等觀法流地  
 三界報形永不受  
 二十一生空寂行  
 遠達正士獨諦了  
 變生法身無量光  
 圓照三世恒劫事  
 於第三諦常寂然  
 能於千恒一時現  
 恒沙佛藏一念了  
 於億恒土化群生  
 二十九生永已度  
 一轉妙覺常湛然  
 除前餘習無明緣  
 二諦理窮一切盡  
 三十生盡等大覺  
 一切報盡無極悲  
 窮源盡性妙智存

九

三賢十聖住果報  
一切衆生暫住報  
如來三業德無極  
法王無上人中樹  
口常說法非無義  
人中師子為衆說

惟佛一人居淨土  
登金剛原居淨土  
我今月光禮三寶  
覆蓋六衆無量光  
心智寂滅無緣照  
大衆歡喜散金華

百億萬土六大動  
天尊快說十四王

含生之生受妙報  
是故我今畧歎佛

時諸大衆聞月光王歎十四王無量功德藏  
得大法利即於座中有十恒河沙天王十恒  
河沙梵王十恒河沙鬼神王乃至三趣得無  
生法忍八部阿須輪王現轉鬼身天上受道

三生入正位者或四生五生乃至十生得入  
正位證聖人性得一切無量報佛告諸得道  
果實天衆善男子是月光王已於過去十千  
劫中龍光王佛法中為四任開士我為八任  
菩薩今於我前大師子吼如是如是如汝所  
解得真義說不可思議不可度量惟佛與佛

乃知斯事善男子其所說十四般若波羅蜜  
三忍地地上中下三十忍一切行藏一切佛  
藏不可思議何以故一切諸佛是中生是中  
滅是中化無生無滅無化無自無他第一無  
二非化非不化非無無相無來去如虛空故  
一切衆生無生滅無縛解非因非果非不因

果煩惱我人知見受者我所者一切苦受行  
空故一切法集幻化五陰無合無散法同法  
性寂然空故法境界空空無相不轉不顛倒  
不順幻化無三寶無聖人六道如虛空故般  
若無知無見不行不緣不因不受不得一切  
照相故行道相斯行道相如虛空故法相如

是何可有心得無心得是以般若功德不可  
衆生中行而行不可五陰法中行而行不可  
境中行而行不可解中行而行是故般若不  
可思議而一切諸菩薩於中行故亦不可思  
議一切諸如來於幻化無住法中化亦不可  
思議善男子此功德藏假使無量恒河沙第

十三灌頂開士說是功德百千億分中如王所說如海一滴我今畧述分義功德有大利益一切衆生亦爲過去來今無量諸如來之所述可三賢十聖讚歎無量是月光王分義功德善男子是十四法門三世一切衆生一切三乘一切諸佛之所修習未來諸佛亦復

如是若一切諸佛菩薩不由此門得薩婆若者無有是處何以故一切諸佛及菩薩無異路故是故一切諸善男子若有人聞諸忍法門信忍止忍堅忍善覺忍離達忍明慧忍焰急忍勝慧忍法現忍遠達忍等覺忍慧光忍灌頂忍圓覺忍者是人超過百劫千劫無量

恒河沙生生苦難入此法門現身得報時諸衆中十億同名虛空藏海菩薩歡喜法樂各各散華於虛空中變成無量華臺上有無量大衆說十四正行十八梵六欲天王亦散寶華各坐虛空臺上說十四正行受持讀誦解其理義無量諸鬼神現身修行般若波羅蜜

翻

仁王般若

十一

字

佛告大王汝先言云何衆生相可化若以幻化身見幻化者是菩薩真行化衆生衆生識初一念識異木石生得善生得惡惡爲無量惡識本善爲無量善識本初一念金剛終一念於中生不可說不可說識成衆生色心衆生根本色名色蓋心名識蓋想蓋受蓋行蓋

蓋者陰覆爲用身名積聚大王此一色法生無量色眼所得爲色耳所得爲聲鼻所得爲香舌得爲味身得爲觸堅持名地水名潤火名熱輕動名風生五識處名根如是一色一心有不可思議色心大王凡夫六識塵故得假名青黃方圓等無量假色法聖人六識淨故得實法色香味觸一切實色法衆生者世諦之名也若有若無但生衆生憶念名爲世諦世諦假誑幻化故有乃至六道幻化衆生見幻化幻化見幻化婆羅門利利毗舍首陀神我等色心名爲幻諦幻諦法無佛出世前無名字無義名幻法幻化無名字無體相無

三界名字無善惡果報六道名字大王是故  
 佛佛出現於世為衆生故說作三界六道名  
 字是名無量名字如空法四大法心法色法  
 相續假法非一非異一亦不續異亦不續非  
 一非異故名續諦相待假法一切名相待亦  
 名不定相待如五色等法有無一切等法一

切法皆緣成假成衆生俱時因果異時因果  
 三世善惡一切幻化是幻諦衆生大王若菩  
 薩如上所見衆生幻化皆已假誑如空中華  
 十任菩薩諸佛五眼如幻諦而見菩薩化衆  
 生為若此時諸有無量天子及諸大衆得伏  
 忍者得空無生忍乃至一地十地不可說德

行

仁王般若波羅蜜經二諦品第四

爾時波斯匿王言第一義諦中有世諦不若  
 言無者智不應二若言有者智不應一一二  
 之義其事云何佛告大王汝於過去七佛已  
 問一義二義汝今無聽我今無說無聽無說

期

七三般若

士

寺

即為一義二義故諦聽諦聽善思念之如法  
 修行七佛偈如是

無相第一義 無自無他作 因緣本自有

無自無他作 法性本無性 第一義空如

諸有本有法 三假集假有 無無諦實無

寂滅第一空 諸法因緣有 有無義如是

有無本自二 譬若牛二角 照解見無二

二諦常不即 解心見不二 求二不可得

非謂二諦一 非二何可得 於解常自一

於諦常自二 通達此無二 真入第一義

世諦幻化起 譬如虛空華 如影二手無

因緣故誑有 幻化見幻化 衆生名幻諦

幻師見幻法 諦實則皆無 名為諸佛觀

菩薩觀亦然

大王菩薩摩訶薩於一義中常照二諦化衆

生佛及衆生一而無二何以故以衆生空故

得置菩提空以菩提空故得置衆生空以一

切法空故空空何以故般若無相二諦虛空

切法空故空空何以故般若無相二諦虛空

般若空於無明乃至薩婆若無自相無他相  
故五眼成就時見無所見行亦不受不行亦  
不受非行非不行亦不受乃至一切法亦不  
受菩薩未成佛時以菩提為煩惱菩薩成佛  
時以煩惱為菩提何以故於第一義而不二  
故諸佛如來乃至一切法如故白佛言云何

劫

仁王般若

十三

奇

十方諸如來一切菩薩不離文字而行諸法  
相大王法輪者法本如重誦如受記如不誦  
偈如無問而自說如戒經如譬喻如法界如  
本事如方廣如未曾有如論義如是名味句  
音聲果文字記句一切如若取文字者不行  
空也大王如如文字修諸佛智母一切衆生

性根本智母即為薩婆若體諸佛未成佛以  
當佛為智母未得為性已得薩婆若三乘般  
若不生不滅自性常住一切衆生以此為覺  
性故若菩薩無受無文字離文字非為非文  
字修無修修文字者得般若真性般若波羅  
蜜大王若菩薩護佛護化衆生護十地行為

若此白佛言無量品衆生根亦無量行亦無  
量法門為一為二為無量耶大王一切法觀  
門非一非二乃有無量一切法亦非有相非  
非無相若菩薩見衆生見一見二即不見一  
不見二一二者第一義諦也大王若有若無  
者即世諦也以三諦攝一切法空諦色諦心

諦故我說一切法不出三諦我人知見五受  
陰空乃至一切法空衆生品品根行不同故  
非一非二法門大王七佛說摩訶般若波羅  
蜜我今說般若波羅蜜無二無別汝等大衆  
受持讀誦解說是經功德有無量不可說不  
可說諸佛一一佛教化無量不可說衆生一

一衆生皆得成佛是佛復教化無量不可說  
衆生皆得成佛是上三佛說般若波羅蜜經  
八萬億偈於一偈中復分為十分於一分中  
說一分句義不可窮盡况復於此經中起一  
念信是諸衆生起百劫千劫十地等功德何  
况受持讀誦解說者功德即十方諸佛等無

有異當知是人即是如來得佛不久時諸大  
衆聞說是經十億人得三空忍百萬億人得  
大空忍十地性大王此經名為仁王問般若  
波羅蜜經汝等受持般若波羅蜜經是經復  
有無量功德名為護國土功德亦名一切國  
王法藥服行無不大用護舍宅功德亦護一

十四

十六

切衆生身即此般若波羅蜜是護國土如城  
塹牆壁刀劍鋒楯汝應受持般若波羅蜜亦  
復如是  
信王般若波羅蜜經卷上  
翔十

奉

佛五峯鄒穎謹書

僉然

上七廉反咸也

摩訶衍

下音演此云大乘

仁王護國般若波羅蜜經卷下

翔

姚秦三藏鳩摩羅什

譯

護國品第五

唐人李奇刊

尔時佛告大王汝等善聽吾今正說護國上  
法用汝當受持般若波羅蜜當國土欲亂破  
壞劫燒賊來破國時當請百佛像百菩薩像

百羅漢像百比丘衆四大衆七衆共聽請百  
法師講般若波羅蜜百師子吼高座前然百  
燈燒百和香百種色華以用供養三寶三衣  
什物供養法師小飯中食亦復以時大王一  
日二時講經汝國土中有百部鬼神是一一  
部復有百部樂聞是經此諸鬼神護汝國土  
大王國土亂時先鬼神亂鬼神亂故万民亂  
賊來劫國百姓亡喪臣君太子王子百官共  
生是非天地恠異二十八宿星道日月失時  
失度多有賊起大王若火難水難風難一切  
諸難亦應講此經法用如上說大王不但護  
國亦有護福求富貴官位七寶如意行來求  
男女求慧解名聞求六天果報人中九品果  
報亦講此經法用如上說大王不但護福亦  
護衆難若疾病苦難相械枷鎖檢繫其身破  
四重罪作五逆因作八難罪行六道事一切  
無量苦難亦講此經法用如上說大王昔日  
有王釋提桓因為頂生王來上天欲滅其國